



აკაკი თერეტელის სახელმწიფო  
უნივერსიტეტის აკადემიური საბჭო  
ACADEMIC BOARD OF AKAKI  
TSERETELI STATE UNIVERSITY

თამარ მეურის ქ. № 59  
მის: 4600, საქართველო, ქუთაისი

ტელ: (+995 331) 4 21 73 ფაქსი (+995 331) 4 38 33  
ელ.ფოსტა atsu@atsu.edu.ge

აკაკი წერეთლის სახელმწიფო უნივერსიტეტი

აკადემიური საბჭო

15 სექტემბერი, 2017

### დადგენილება №3(17/18)

საჯარო სამართლის იურიდიული პირის - აკაკი წერეთლის სახელმწიფო უნივერსიტეტის  
აკადემიური პერსონალის, ემერიტუსის, მასწავლებლის და ხელშეკრულებით მოწვეული  
სპეციალისტების წლიური სასწავლო და სამეცნიერო-მეთოდური დატვირთვის ნორმების  
დამტკიცების შესახებ

აკადემიური საბჭოს #46(16/17) დადგენილებაში შეტანილი ცვლილების გათვალისწინებით,  
დამტკიცდეს აწსუ აკადემიური პერსონალის, ემერიტუსის, მასწავლებლის და  
ხელშეკრულებით მოწვეული სპეციალისტების წლიური სასწავლო და სამეცნიერო-  
მეთოდური დატვირთვის ნორმები თანდართული ფორმით.

აკადემიური საბჭოს  
თავმჯდომარე, რექტორი:

პროფ. გიორგი ღავთაძე

**აკადემიური პერსონალის, ემერიტუსის, მასწავლებლის და ხელშეკრულებით  
მოწვეული სპეციალისტების სასწავლო და სამეცნიერო-მეთოდური დატვირთვის  
ნორმები**

### **მუხლი 1**

აკაკი წერეთლის სახელმწიფო უნივერსიტეტის აკადემიური პერსონალის, ემერიტუსის, მასწავლებლის და ხელშეკრულებით მოწვეული სპეციალისტების სასწავლო და სამეცნიერო-მეთოდური დატვირთვის ნორმები განსაზღვრავს უნივერსიტეტში აკადემიური პერსონალის, ემერიტუსის, მასწავლებლის და ხელშეკრულებით მოწვეული სპეციალისტების სასწავლო, მეთოდური და სამეცნიერო დატვირთვის ნორმებს, შეფასების პირობებს, კერძოდ, სასწავლო წლის განმავლობაში მათი წლიური დატვირთვის ოდენობას, სასწავლო და სამეცნიერო-კვლევით მუშაობასთან დაკავშირებული ცალკეული აქტივობის საათობრივ ნორმატივებს.

### **მუხლი 2**

1. აკადემიური პერსონალის წლიური დატვირთვა შეადგენს 1500 საათს. დასაშვებია აღნიშნული ნორმატივის ცვლილება არაუმეტეს 3%-ის ფარგლებში;
2. ხელშეკრულებით მოწვეული სპეციალისტის დატვირთვის წლიური მოცულობა განისაზღვროს 1000 საათის ოდენობით (მ.შ. 400 საათი სასწავლო დატვირთვა, 600 საათი სამეცნიერო და მეთოდური მუშაობა).
3. ემერიტუსის წლიური დატვირთვა განისაზღვროს - 1000 საათის ოდენობით, დასაშვებია აღნიშნული ნორმატივის ცვლილება არაუმეტეს 3%-ის ფარგლებში;
4. მასწავლებლის წლიური სასწავლო დატვირთვის მოცულობა განისაზღვროს 600 საათის ოდენობით (მ.შ. საკონტაქტო - 420 საათი). დასაშვებია აღნიშნული ნორმატივის ცვლილება არაუმეტეს 3%-ის ფარგლებში;
5. აკადემიური პერსონალის, ემერეტუსის, მასწავლებლის და ხელშეკრულებით მოწვეული სპეციალისტების წლიური დატვირთვის შემადგენელი კომპონენტებია:

#### **ა) სასწავლო დატვირთვა:**

- a.1. **სასწავლო-საკონტაქტო:** აუდიტორიული მუშაობა (ლექცია, ჯგუფში მუშაობა, პრაქტიკული და ლაბორატორიული სამუშაოები, დოქტორანტის ხელმძღვანელობა (არაუმეტეს 15 სთ ერთ დოქტორანტზე);
- a.2. **სასწავლო-მეთოდური:** წერითი ნაშრომის გასწორება; სტუდენტებთან ინდივიდუალური მუშაობა (კონსულტაცია); ტესტების მომზადება, გამოცდების ჩატარება და სტუდენტის შეფასება.
- a.3. **სასწავლო-ორგანიზაციული:** დეპარტამენტის პროგრამული მიმართულების ხელმძღვანელობა; მაგისტრანტის ხელმძღვანელობა; დოქტორანტის ხელმძღვანელობა (არანაკლებ 65 სთ ერთ დოქტორანტზე); სადოქტორო პროგრამით გათვალისწინებული სასემინარო ნაშრომის ხელმძღვანელობა; საგანმანათლებლო პროგრამის ხელმძღვანელობა; სასწავლო, საწარმოო, პედაგოგიური, პროფესიული, საველე და სხვა ტიპის პრაქტიკის ხელმძღვანელობა და ჩატარება, კურატორობა-ტუტორობა;

- a.4. **სამეცნიერო-მეთოდური მუშაობა** (მონოგრაფიის მომზადება, გამოცემა, რედაქტირება, რეცენზირება; სახელმძღვნელოს ან სალექციო კურსის მომზადება, განახლება, გამოცემა, რედაქტირება, რეცენზირება, თარგმა; საგანმანათლებლო პროგრამის მომზადება, განახლება; მეთოდური ხასიათის ერთობლივი კვლევების განხორციელება; სილაბუსის მომზადება; სამეცნიერო სტატიის მომზადება, გამოცემა, თარგმა, რეცენზირება; სამეცნიერო კონფერენციების ორგანიზება-ხელმძღვანელობა, მონაწილეობა; სამეცნიერო გამოცემების რედკოლეგიის წევრობა; სტუდენტთა მომზადება სამეცნიერო კონფერენციებისათვის, სტუდენტთა სამეცნიერო წრეების ხელმძღვანელობა; სამეცნიერო საგრანტო პროექტის წარდგენა, მონაწილეობა; სადოქტორო ნაშრომის რეცენზირება, შეფასება, სადოქტორო დისერტაციის საფაკულტეტო საექსპერტო კომისიის წევრობა და სხვა სახის სამეცნიერო აქტივობები);

**დ) სხვა აქტივობები** (მონაწილეობა სხვადასხვა სახის პროფესიულ სემინარებსა და ტრენინგებში; სტაჟირების გაცვლა და სხვა მსგავსი აქტივობა, რომელიც დასტურდება შესაბამისი სერთიფიკატის, დიპლომის და ა.შ. წარმოდგენით; სასწავლო პროცესთან პირდაპირ და უშუალოდ დაკავშირებული სხვადასხვა ტიპის აქტივობა);

აკადემიური პერსონალის და ხელშეკრულებით მოწვეული სპეციალისტების სასწავლო და სამეცნიერო-მეთოდური წლიური დატვირთვის ნორმები კომპონენტების მიხედვით მოცემულია დანართში №1.

### **მუხლი 3**

აკადემიური თანამდებობის პირებს, რომლებსაც აწსუ-ში იმავდროულად უკავიათ შემდეგი ადმინისტრაციული ან სხვა თანამდებობი, კერძოდ, რექტორი, რექტორის მოადგილე, ადმინისტრაციის ხელმძღვანელი, ადმინისტრაციის ხელმძღვანელის მოადგილე, დეკანი, დეკანის მოადგილე, უნივერსიტეტის და ფაკულტეტების ხარისხის უზრუნველყოფის სამსახურის უფროსი, აწსუ დამხმარე სტრუქტურული ერთეულების ხელმძღვანელი, აგრეთვე რექტორის გადაწყვეტილებით სხვა თანამდებობები, უმცირდებათ აკადემიური პერსონალისათვის გათვალისწინებული სასწავლო და სამეცნიერო-მეთოდური წლიური დატვირთვა 50%-ით.

### **მუხლი 4**

დეპარტამენტების, მიმართულებების ხელმძღვანელების, ფაკულტეტის ხარისხის სამსახურის უფროსების და ფაკულტეტების დეკანების მიერ წარმოდგენილი ინფორმაციის საფუძველზე, უნივერსიტეტის სასწავლო პროცესის მართვის სამსახური სასწავლო წლის ბოლოს განიხილავს და აფასებს აკადემიური პერსონალის, ემერიტუსის, მასწავლებლის და ხელშეკრულებით მოწვეული სპეციალისტების მიერ სასწავლო წლის მანძილზე სასწავლო და სამეცნიერო-მეთოდური წლიური დატვირთვის შესრულების შედეგებს.

### **მუხლი 5**

აკადემიური პერსონალის მიერ წლიური სასწავლო, სამეცნიერო-მეთოდური დატვირთვის გადააჭარბების შემთხვევაში, ზედმეტი საათები გათვალისწინებულ იქნას მომდევნო სასწავლო წლის შესაბამის დატვირთვაში.

### **მუხლი 6**

- აკადემიური პერსონალის, ემერიტუსის, მასწავლებლის და ხელშეკრულებით მოწვეული სპეციალისტების მიერ ამ წესით გათვალისწინებული სასწავლო და სამეცნიერო-მეთოდური დატვირთვის მინიმალური ოდენობის არასპატიო მიზეზით შეუსრულებლობის შემთხვევაში პირის მიმართ გასატარებელი სანქციები რეგულირდება აწსუ შინაგანაწესით;
- დადგენილი ნორმებით დაგეგმილი წლიური დატვირთვის მოცულობის შემცირების შემთხვევაში, ანაზღაურება გაიცემა ფაქტობრივად შესრულებული სამუშაოს მოცულობის შესაბამისად;

### **მუხლი 7**

თუ ერთ კონკრეტულ სამუშაოს, რომლისთვისაც გათვალისწინებულია წლიური მეთოდური და სამეცნიერო დატვირთვის საათები, ასრულებს ორი ან მეტი პირი, დატვირთვის საათები გადანაწილდება შესრულებული სამუშაოს პროპორციულად.

### **დანართი №1**

**აკადემიური პერსონალის, ემერიტუსის, მასწავლებლის, და ხელშეკრულებით მოწვეული სპეციალისტების სასწავლო და სამეცნიერო-მეთოდური დატვირთვის ნორმები**

#### **1. საგანამანათლებლო პროგრამის ფარგლებში მონოგრაფიის:**

- მომზადება-გამოცემა - 1 ნაბეჭდი თაბახი (A5 ზომის 16 გვერდი) - 60 სთ, მაგრამ არაუმეტეს 750 სთ-სა წლის განმავლობაში;

- ბ) თარგმნა - 1 ნაბეჭდი თაბახი 50 სთ, მაგრამ არაუმეტეს 500 სთ-სა წლის განმავლობაში.
- გ) სამეცნიერო რედაქტორება - 1 ნაბეჭდი თაბახი 25 სთ, მაგრამ არაუმეტეს 400 სთ-სა წლის განმავლობაში;
- დ) რეცენზირება - 1 ნაბეჭდი თაბახი 15 სთ, მაგრამ არაუმეტეს 100 სთ-სა წლის განმავლობაში.

- 2. საგანამანათლებლო პროგრამის ფარგლებში სახელმძღვანელოს ან სალექციო კურსის:**
- ა) მომზადება-გამოცემა (მ.შ. ელექტრონული) - 1 ნაბეჭდი თაბახი - 50 სთ, მაგრამ არაუმეტეს 600 სთ-სა წლის განმავლობაში ერთ აკადემიურ პირზე;
  - ბ) თარგმნა - 1 ნაბეჭდი თაბახი 50 სთ, მაგრამ არაუმეტეს 500 სთ-სა წლის განმავლობაში ერთ აკადემიურ პირზე;
  - გ) სამეცნიერო რედაქტორება - 1 ნაბეჭდი თაბახი 20 სთ, მაგრამ არაუმეტეს 300 სთ-სა წლის განმავლობაში;
  - დ) რეცენზირება - 1 ნაბეჭდი თაბახი 15 სთ, მაგრამ არაუმეტეს 75 სთ-სა წლის განმავლობაში;
  - ე) შევსება-განახლება და გამოცემა (მ.შ. ელექტრონული) - 1 ნაბეჭდი თაბახი 25 სთ, მაგრამ არაუმეტეს 300 სთ-სა წლის განმავლობაში ერთ აკადემიურ პირზე;
  - ვ) სასწავლო მეთოდური წაშრომის შექმნა - 1 ნაბეჭდი თაბახი 40 სთ, მაგრამ არაუმეტეს 250 სთ-სა წლის განმავლობაში ერთ აკადემიურ პირზე.
- 3. საგანმანათლებლო პროგრამის ფარგლებში სამეცნიერო სტატიის:**
- ა) იმფაქტ-ფაქტორის მქონე სამეცნიერო გამოცემებში - 1 სტატია - 400 სთ;
  - ბ) პუბლიკაცია უცხოეთში რეფერირებულ ჟურნალში - 1 სტატია = 250 სთ;
  - გ) პუბლიკაცია აწსუ სამეცნიერო შრომების კრებულში - 1 სტატია = 200 სთ (არაუმეტეს 2 სტატიისა სასწავლო წლის განმავლობაში);
  - დ) პუბლიკაცია საქართველოში რეფერირებულ ჟურნალში - 1 სტატია = 200 სთ (არაუმეტეს 3 სტატიისა სასწავლო წლის განმავლობაში);
  - ე) რეცენზირება - 10 სთ;
  - ვ) წამუშევრების წარდგენა/გამოფენა, მოდელების შექმნა/ჩვენება - 1 წამუშევარი/მოდელი - 40 საათი;

- 4. საგრანტო პროექტის ფარგლებში:**
- ა) საერთაშორისო დონორ ორგანიზაციებში საგრანტო პროექტის წარდგენა - 1 გრანტისათვის წლის განმავლობაში 100 სთ ხელმძღვანელობისათვის, 30 სთ მონაწილეობისათვის;
  - ბ) საქართველოს ეროვნულ სამეცნიერო ფონდში საგრანტო პროექტის წარდგენა - 1 გრანტისათვის წლის განმავლობაში 100 სთ ხელმძღვანელობისათვის, 25 სთ მონაწილეობისათვის;
  - გ) შიდა საუნივერსიტეტო საგრანტო პროექტის წარდგენა - 1 პროექტისათვის წლის განმავლობაში 50 სთ ხელმძღვანელობისათვის, 20 სთ მონაწილეობისათვის;
- 5. საპატენტო-სალიციენზიო საქმიანობის ფარგლებში:**
- ა) გამოგონება საერთაშორისო წარდგენით - 180 სთ;
  - ბ) გამოგონება საქართველოში წარდგენით - 130 სთ;
  - გ) სასარგებლო მოდელის დაპატენტება - 75 სთ;
  - დ) სამრეწველო ნიმუშის დაპატენტება - 70 სთ;

- 6. სამეცნიერო კონფერენცია/სიმპოზიუმის:**
- ა) საერთაშორისო სამეცნიერო კონფერენციის/სიმპოზიუმის ორგანიზება და ხელმძღვანელობა - 1 კონფერენციის ფარგლებში - 150 სთ;
  - ბ) საერთაშორისო სამეცნიერო კონფერენციის ნაშრომთა კრებულის რედაქტორობა (სარედაქციო საბჭოს წევრობა) - 1 კონფერენციის ფარგლებში 50 საათი;
  - გ) საერთაშორისო სამეცნიერო კონფერენციაზე/სიმპოზიუმზე მოხსენების მომზადება და გამოქვეყნება - 1 მოხსენება - 150 სთ;
  - დ) ეროვნული კონფერენციის/სიმპოზიუმის ორგანიზება და ხელმძღვანელობა - 1 კონფერენციის ფარგლებში - 150 სთ;
  - ე) ეროვნულ სამეცნიერო კონფერენციაზე/სიმპოზიუმზე მოხსენების მომზადება და გამოქვეყნება - 1 მოხსენება - 100 სთ;
  - ვ) საუნივერსიტეტო ადგილობრივი სამეცნიერო კონფერენციის მუშაობის ორგანიზება და ხელმძღვანელობა - 1 კონფერენციის ფარგლებში - 75 სთ;
  - ზ) საუნივერსიტეტო ადგილობრივი სამეცნიერო კონფერენციაზე/სიმპოზიუმზე მოხსენების მომზადება და გამოქვეყნება - 1 მოხსენება - 35 სთ;

7. **სამეცნიერო გამოცემების რედკოლეგიის წევრობა:**
  - ა) საერთაშორისო გამოცემების რედკოლეგიის წევრობა - 40 სთ;
  - ბ) ეროვნული გამოცემების რედკოლეგიის წევრობა - 20 სთ;
8. **სამეცნიერო კონფერენციისათვის სტუდენტის მომზადება:**
  - ა) საერთაშორისო სამეცნიერო კონფერენციის შრომების კრებულში გამოქვეყნებული მოხსენების მომზადების ხელმძღვანელობა - 1 სტუდენტი/მოხსენება - 30 სთ, წლის განმავლობაში;
  - ბ) ეროვნულ სამეცნიერო კონფერენციის შრომების კრებულში გამოქვეყნებული მოხსენების მომზადების ხელმძღვანელობა - 1 სტუდენტი/მოხსენება - 20 სთ, წლის განმავლობაში;
  - გ) შიდასაუნივერსიტეტო სამეცნიერო კონფერენციის შრომების კრებულში გამოქვეყნებული მოხსენების მომზადების ხელმძღვანელობა - 1 სტუდენტი/მოხსენება - 10 სთ, წლის განმავლობაში;
9. **სტუდენტთა სამეცნიერო-შემოქმედებითი წრის ხელმძღვანელობა - 20 სთ.**
10. **საკალიფიკაციო ნაშრომის რეცენზირება-ექსპერტიზა:**
  - ა) სადოქტორო ნაშრომის რეცენზირება- ექსპერტიზა - 1 ნაშრომისათვის - 50 სთ;
  - ბ) სამაგისტრო ნაშრომის რეცენზირება - 1 ნაშრომისათვის - 20 სთ.
11. **საგანმანათლებლო პროგრამის:**
  - ა) სადოქტორო პროგრამის მომზადება და წარდგენა სათანადო საუნივერსიტეტო პროცედურების დაცვით - 200 სთ;
  - ბ) სამაგისტრო პროგრამის მომზადება და წარდგენა სათანადო საუნივერსიტეტო პროცედურების დაცვით - 150 სთ;
  - გ) საბაკალავრო პროგრამის მომზადება და წარდგენა სათანადო საუნივერსიტეტო პროცედურების დაცვით - 150 სთ.
  - დ) პროფესიული პროგრამის მომზადება და წარდგენა სათანადო საუნივერსიტეტო პროცედურების დაცვით - 50 სთ.
  - ე) minor პროგრამის მომზადება და წარდგენა სათანადო საუნივერსიტეტო პროცედურების დაცვით (თუ უნივერსიტეტში არ ფუნქციონირებს შესაბამისი საბაკალავრო, major პროგრამა) - 50 სთ.
  - ვ) სილაბუსის მომზადება - 15 სთ.
12. **უნივერსიტეტის საბჭოების წევრობა:**
  - ა) აკადემიური საბჭოს წევრობა - 40 სთ;
  - ბ) წარმომადგენლობითი საბჭოს წევრობა - 25 სთ;
  - გ) ფაკულტეტის საბჭოს წევრობა - 20 სთ;
  - დ) ფაკულტეტის საბჭოს მდივნობა - 15 სთ;
  - ე) სადოქტორო დისერტაციის საფაკულტეტო საექსპერტო კომისიის წევრობა - 10 სთ.
13. **აკადემიური პერსონალის სასწავლო დატვირთვა:**
  - ა) აკადემიური პერსონალის სასწავლო დატვირთვის მთლიანი მოცულობა - 500 საათი;
  - ბ) ლექცია-პრაქტიკული და ლაბორატორიული მუშაობის მინიმალური სავალდებულო საათების რაოდენობა პროფესორისათვის - 150 საათი;
  - გ) ლექცია-პრაქტიკული და ლაბორატორიული მუშაობის მინიმალური სავალდებულო საათების რაოდენობა ასოცირებული პროფესორისათვის - 240 საათი;
  - დ) ლექცია-პრაქტიკული და ლაბორატორიული მუშაობის მინიმალური სავალდებულო საათების რაოდენობა ასისტენტ პროფესორისათვის - 320 საათი;
  - ე) დოქტორანტის ხელმძღვანელობა - 80 საათი (სასწავლო-საკონტაქტო - არაუმეტეს 15 სთ-სა და სასწავლო-ორგანიზაციული - არანაკლებ 65 სთ-სა ერთ დოქტორანტზე გაანგარიშებით). დოქტორანტის თანახელმძღვანელის საათობრივი სარგო განისაზღვრება ხელმძღვანელის წარდგინებისა და აწსუ აკადემიური საბჭოს 2012 წლის 30 ნოემბრის №35(12/13) დადგენილების საფუძველზე, სადისერტაციო ნაშრომის სპეციფიკის გათვალისწინებით. დოქტორანტის ხელმძღვანელობის სასწავლო-საკონტაქტო დატვირთვის შესრულება მოხდეს მხოლოდ ამ დადგენილების დანართი №1-ის მე-13 მუხლით განსაზღვრული აკადემიური პერსონალის სასწავლო დატვირთვის მთლიანი მოცულობის სრულად შესრულების შემდეგ.
  - ვ) მაგისტრანტის ხელმძღვანელობა - 40 საათი;
  - ზ) აკადემიური პროგრამის ხელმძღვანელობა - 60 სთ;
  - თ) მაინორ პროგრამის (თუ არ არსებობს შესაბამისი მაიჯორ პროგრამა) ხელმძღვანელობა - 20 საათი;

- ი) დეპარტამენტის პროგრამული მიმართულების ხელმძღვანელობა (რექტორის შესაბამისი ბრძანებით დანიშვნის შემთხვევაში) - 40 სთ;
- კ) სადოქტორო პროგრამით გათვალისწინებული სასემინარო ნაშრომის:
- კ.1. ხელმძღვანელობა (1 სტუდენტზე) - 30 საათი;
  - კ.2. რეცენზენტობა (1 სტუდენტზე) - 10 საათი.
- ლ) საგამოცდო დავალების მომზადება/განახლება, გამოცდის ჩატარება/საგამოცდო ნაშრომის გასწორება - 1 აკადემიურ ჯგუფზე (1 სასწავლო სემესტრის განმავლობაში): ბაკალავრიატში (25-30 სტუდენტი) - 24 საათი; მაგისტრატურაში (არაუმეტეს 12 სტუდენტი - 8 საათი, 12 სტუდენტი და მეტი - 24 საათი; დოქტორანტურაში - 5 საათი. სხვა ტიპის ჯგუფებში საგამოცდო დავალების მომზადება/განახლება, გამოცდის ჩატარება/საგამოცდო ნაშრომის გასწორების საათები განისაზღვროს სტუდენტთა რაოდენობის პროპორციულად;
- მ) სტუდენტთა კონსულტაცია - 3 საათი ერთ სრულ აკადემიურ ჯგუფზე სემესტრის განმავლობაში. სხვა ტიპის ჯგუფებში კონსულტაციის საათები განისაზღვროს სტუდენტთა რაოდენობის პროპორციულად;
- ნ) მიზნობრივი წერითი ნაშრომის (რეფერატი, მიზნობრივი პროექტი) გასწორება - 0,5 საათი ერთ ნახეჭდ თაბახზე. უცხო ენაზე შესრულებული ნაშრომის გასწორება - 1 სთ. ნაშრომის სხვა მოცულობის შემთხვევაში, საათი განისაზღვრება პირდაპირპროპორციულად;
- ო) აკადემიური ჯგუფის (არაუმეტეს ორისა) კურატორობა/ტუტორობა (რექტორის შესაბამისი ბრძანებით დანიშვნის შემთხვევაში) - 30 საათი;
- პ) საწარმოო, სასწავლო, პედაგოგიური, პროფესიული და საველე პრაქტიკის საათების რაოდენობა განისაზღვრება რექტორის ბრძანებით აკადემიური პერსონალის დატვირთვის პარამეტრების გაანგარიშების ნორმების შესახებ;
- ჟ) აკადემიურ პერსონალს უფლება აქვს სასწავლო დატვირთვის ნორმის (500 საათი) ზევით შესარულოს სასწავლო დატვირთვა საათობრივი ანაზღაურების წესით, მაგრამ არა უმეტეს 200 საათისა (მათ შორის: არანაკლებ 135 საათისა სასწავლო-საკონტაქტო და არაუმეტეს 65 საათისა სასწავლო-მეთოდური დატვირთვა). ამ საათობრივი განაწილების პირდაპირი პროპორციის დაცვით მოხდეს 200 საათამდე შესრულებული სამუშაოს ანაზღაურება. აღნიშნული 200 საათის შესაბამისი ანაზღაურების არ აღების შემთხვევაში საათების მოცულობა შეიძლება ჩაითვალოს სამეცნიერო-მეთოდური მუშაობის შესრულებად; 200 საათის საათობრივი ანაზღაურება დატვირთვის ნორმის (500 საათი) ზევით მოხდეს მხოლოდ აღნიშნული ნორმატივის შესრულების შემდეგ, სემესტრული განაწილების გათვალისწინებით.
- რ) მე-13 მუხლის „ჟ“ პუნქტით გათვალისწინებული ნორმების ზევით სასწავლო დატვირთვის შესრულების შემთხვევაში, ნორმებს ზევით (500 სთ + 200 სთ) შესრულებული სამუშაო ჩაითვლება სამეცნიერო-მეთოდური მუშაობის შემადგენელ კომპონენტად და არ ანაზღაურდება დამატებით;
- ს) იმ აკადემიურ პერსონალს (შტატით, ხელშეკრულებით, საათობრივი ანაზღაურების წესით), რომელსაც მუშაობა უხდება არასრულ სამაგისტრო ჯგუფებში (სტუდენტთა ოდენობით 1-2-3 მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ „ჟ“ პუნქტებით გათვალისწინებული ნორმატივები ინდივიდუალურ დატვირთვაში განისაზღვროს შესასრულებელი სასწავლო დატვირთვის 25%, 50% და 75%-ის ოდენობით.
- ტ) იმ აკადემიურ პერსონალს (შტატით, ხელშეკრულებით, საათობრივი ანაზღაურების წესით), რომელსაც მუშაობა უხდება საბაკალავრო პროგრამებზე არსებულ მცირერიცხოვან ჯგუფებში (10-ზე ნაკლები) მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ „ჟ“ პუნქტებით გათვალისწინებული ნორმატივები ინდივიდუალურ დატვირთვაში განისაზღვროს ჩასატარებელი საათების 50%-ით.
- უ) დეპარტამენტის კოორდინატორებმა ინდივიდუალური სასწავლო დატვირთვა აკადემიურ პერსონალზე განაწილონ დაკავებული საშტატო განრიგის შესაბამისად აკადემიურ თანამდებობაზე გამოცხადებული კონკურსის შედეგების მიხედვით.
- ფ) შტატით მომუშავე იმ აკადემიურ პერსონალს, რომელთაც მუშაობა უხდებათ უნივერსიტეტის აკადემიური საბჭოს 2017წლის № 46(16/17) დადგენილების დანართი №1-ის მე-13 მუხლის „ს“ და „ტ“ პუნქტებით გათვალისწინებულ არასრულ ჯგუფებთან, სასწავლო დატვირთვის შესაძლო მოცულობა განისაზღვროს არაუმეტეს 700 საათისა. შრომის ანაზღაურება მოხდეს ფაქტობრივად შესრულებული სამუშაოს მიხედვით, აკადემიური პერსონალის სასწავლო-საკონტაქტო დატვირთვის საუნივერსიტეტო ნორმების პირდაპირპროპორციულად.

ქ) განსაკუთრებულ შემთხვევებში, აკადემიური პერსონალის სასწავლო დატვირთვის პარამეტრების განსაზღვრის საკითხი შეთანხმდეს უნივერსიტეტის რექტორთან ფაკულტეტის დეკანის წარდგინებით.

#### **14. ემერიტუსის სასწავლო დატვირთვა:**

- ა) ლექცია-პრაქტიკული და ლაბორატორიული მუშაობის მინიმალური სავალდებულო საათების რაოდენობა - 90 საათი;
- ბ) დოქტორანტის ხელმძღვანელობა - 80 საათი. დოქტორანტის თანახელმძღვანელის საათობრივი სარგო განისაზღვრება ხელმძღვანელის წარდგინებისა და აწსუ აკადემიური საბჭოს 2012 წლის 30 ნოემბრის № 35(12/13) დადგენილების საფუძველზე, სადისერტაციო ნაშრომის სპეციფიკის გათვალისწინებით;
- გ) მაგისტრანტის ხელმძღვანელობა - 40 საათი;
- დ) სადოქტორო პროგრამით გათვალისწინებული სასემინარო ნაშრომის ხელმძღვანელობა - 30 საათი;
- ე) საგამოცდო დავალების მომზადება/განახლება, გამოცდის ჩატარება/საგამოცდო ნაშრომის გასწორება - 1 აკადემიურ ჯგუფზე (1 სასწავლო სემესტრის განმავლობაში): ბაკალავრიატში (25-30 სტუდენტი) – 16 საათი; მაგისტრატურაში (არაუმეტეს 12 სტუდენტი - 6 საათი, 12 სტუდენტი და მეტი - 16 საათი; დოქტორანტურაში - 4 საათი.
- ვ) სტუდენტთა კონსულტაცია -2 საათი ერთ სრულ აკადემიურ ჯგუფზე სემესტრის განმავლობაში. სხვა ტიპის ჯგუფებში კონსულტაციის საათები განისაზღვროს სტუდენტთა რაოდენობის პროპორციულად;
- ზ) მიზნობრივი წერითი ნაშრომის (რეფერატი, მიზნობრივი პროექტი) გასწორება - 0,5 სთ. ერთ ნაბეჭდ თაბაზზე. უცხო ენაზე შესრულებული ნაშრომის გასწორება - 1 სთ. ნაშრომის სხვა მოცულობის შემთხვევაში, საათი განისაზღვრება პირდაპირპროპორციულად;
- თ) მე-14 მუხლის „ა“ პუნქტით გათვალისწინებული ნორმების ზევით სასწავლო დატვირთვის შესრულების შემთხვევაში, ნორმებს ზევით შესრულებული სამუშაო ჩაითვლება სამეცნიერო-მეთოდური მუშაობის შემადგენელ კომპონენტად და არ ანაზღაურდება დამატებით;
- ი) ემერიტუსს, რომელსაც მუშაობა უხდება არასრულ სამაგისტრო ჯგუფებში (სტუდენტთა ოდენობით 1-2-3 მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ პუნქტებით გათვალისწინებული ნორმატივები ინდივიდუალურ დატვირთვაში განისაზღვროს შესასრულებელი სასწავლო დატვირთვის 25%, 50% და 75 %-ის ოდენობით.
- კ) ემერიტუს, რომელსაც მუშაობა უხდება საბაკალავრო პროგრამებზე არსებულ მცირერიცხოვან ჯგუფებში (10-ზე ნაკლები) მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ „პუნქტებით გათვალისწინებული ნორმატივები ინდივიდუალურ დატვირთვაში განისაზღვროს ჩასატარებელი საათების 50%-ით.
- ლ) განსაკუთრებულ შემთხვევებში, ემერიტუსის სასწავლო დატვირთვის პარამეტრების განსაზღვრის საკითხი შეთანხმდეს უნივერსიტეტის რექტორთან ფაკულტეტის დეკანის წარდგინებით.

#### **15. მასწავლებლის სასწავლო დატვირთვა:**

- ა) მასწავლებლის სასწავლო დატვირთვის წლიური მოცულობა განისაზღვროს 600 საათის ოდენობით.
- ბ) სასემინარო, პრაქტიკული და ლაბორატორიული მუშაობის მინიმალური სავალდებულო საათების რაოდენობა - 420 საათი;
- გ) საგამოცდო დავალების მომზადება/განახლება, გამოცდის ჩატარება/საგამოცდო ნაშრომის გასწორება - 1 აკადემიურ ჯგუფზე (1 სასწავლო სემესტრის განმავლობაში): ბაკალავრიატში (25-30 სტუდენტი) – 16 საათი; მაგისტრატურაში (არაუმეტეს 12 სტუდენტი - 6 საათი, 12 სტუდენტი და მეტი - 16 საათი.
- დ) სტუდენტთა კონსულტაცია - 2 საათი ერთ სრულ აკადემიურ ჯგუფზე სემესტრის განმავლობაში. სხვა ტიპის ჯგუფებში კონსულტაციის საათები განისაზღვროს სტუდენტთა რაოდენობის პროპორციულად;
- ე) მასწავლებელს, რომელსაც მუშაობა უხდება არასრულ სამაგისტრო ჯგუფებში (სტუდენტთა ოდენობით 1-2-3 მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ „პუნქტებით გათვალისწინებული ნორმატივები ინდივიდუალურ დატვირთვაში განისაზღვროს შესასრულებელი სასწავლო დატვირთვის 25%, 50% და 75 %-ის ოდენობით.

3) მასწავლებელს, რომელსაც მუშაობა უხდება საბაკალავრო პროგრამებზე არსებულ მცირერიცხოვან ჯგუფებში (10-ზე ნაკლები) მე-13 მუხლის „ბ“, „გ“, „დ“, „ლ“, „მ“, „ნ“, „ო“, „პ“ „პუნქტებით გათვალისწინებული ნორმატივები ინდივიდუალურ დატვირთვაში განისაზღვროს ჩასატარებელი საათების 50%-ით.

ზ) მასწავლებელს უფლება აქვს მე-15 მუხლის „ა“ პუნქტით განსაზღვრული ნორმის ზევით შეასრულოს სასწავლო დატვირთვა 200 საათის მოცულობით, რომელზეც ვრცელდება იგივე მოთხოვნები, რაც განსაზღვრულია აკადემიური პერსონალისათვის მე-13 მუხლის „ჟ“, „რ“, „ს“, „ტ“, „პუნქტებით;

#### **16. ხელშეკრულების საფუძველზე მოწვეული სპეციალისტების სასწავლო და დატვირთვა:**

ა) ხელშეკრულებით მოწვეული სპეციალისტის დატვირთვის წლიური მოცულობა განისაზღვროს 1000 საათის ოდენობით (მ.შ. 400 საათი სასწავლო დატვირთვა, 600 საათი სამეცნიერო და მეთოდური მუშაობა).

ბ) ხელშეკრულებით მოწვეული სპეციალისტის უფლება აქვს მე-16 მუხლის „ა“ პუნქტით განსაზღვრული ნორმის ზევით შეასრულოს სასწავლო დატვირთვა 200 საათის მოცულობით, რომელზეც ვრცელდება იგივე მოთხოვნები, რაც განსაზღვრულია აკადემიური პერსონალისათვის მე-13 მუხლის „ჟ“, „რ“, „ს“, „ტ“, „პუნქტებით;

გ) ლექცია-პრაქტიკული და ლაბორატორიული სამუშაოს შესასრულებელი საათების მინიმალური სავალდებულო ნორმა ხელშეკრულებით მოწვეული სპეციალისტისათვის განისაზღვროს - 240 საათის (აკადემიური ხარისხის მქონე პირებისათვის) ან 320 საათის (აკადემიური ხარისხის არმქონე პირებისათვის) ოდენობით.

დ) სპეციალისტის მოწვევის საკითხი შეთანხმდეს რექტორთან ფაკულტეტის დეკანის წარდგინებით.

ე) განსაკუთრებულ შემთხვევებში, ცალკეული პირის (მ.შ. განსაკუთრებული რანგით) წლიური დატვირთვის მოცულობა (ამ დადგნილებით განსაზღვრული ნორმებისადმი პირდაპირი პროპორციის გათვალისწინებით) შეთანხმდეს რექტორთან ფაკულტეტის დეკანის წარდგინებით.

ვ) ხელშეკრულება ფორმდება მხოლოდ ერთი სასწავლო წლის ფარგლებში.

#### **17. სხვა აქტივობები:**

ამ წესით გაუთვალისწინებელი ნებისმიერი სხვა აქტივობა, რომელიც ემსახურება აწსუ-ს საგანმანათლებლო პროგრამების განვითარებას - სულ 75 საათი (სათანადო დოკუმენტაციის (ფაკულტეტის საბჭოს გადაწყვეტილება, დეკანის ბრძანება, დეპარტამენტის სხდომის გადაწყვეტილება) წარმოდგენის შემთხვევაში).

18. ძალადაკარგულად ჩაითვალოს აკადემიური საბჭოს 2017 წლის 30 ივნისის დადგენილება № 46(16/17) აკავი წერეთლის სახელმწიფო უნივერსიტეტის აკადემიური პერსონალის, ემერიტუსის, მასწავლებლის და ხელშეკრულებით მოწვეული სპეციალისტების წლიური სასწავლო და სამეცნიერო-მეთოდური დატვირთვის ნორმების დამტკიცების შესახებ.

19. დადგენილება ამოქმედდეს 2017-2018 სასწავლო წლის 1 სექტემბრიდან.